

Inatsisissatut siunnersuummut nassuiaatit

Siunnersuummut nassuiaatit nalinginnaasut

1. Aallaqqaasiut

1.1. Pingaarnerusutut tunuliaqutaasut

Siunnersuummi tunuliaqutarineqarpoq ataqqinninnermi tunniuttakkamik tunisisoqarnissamut inatsisitigut tunngavissiinissap kissaatigineqarnera. Tassani naliliisoqarpoq tamanna eqqumiitsuliornermik suliaqartunut (eqqumiitsuliornermik inatsimmik) Inatsisartut inatsisaatigut tunngavissiisoqartariaqartoq.

Ataqqinninnermi tunniuttakkanik tunniussisinnaaneq pillugu apeqqut UKA 2019/156-imi oqallisigineqarpoq: Uunga siunnersuut: Eqqumiitsuliornermik ingerlatsineq pillugu Inatsisartut inatsisaata allanngortinnissaanut Inatsisartut inatsisissaattut siunnersuut. (Eqqumiitsuliornermik ingerlatsineq tamassuminngalu siammarterinermut aningaasaateqarfimmik tapiissutinik aqutsisussamik pilersitsinissamut inatsisitigut tunngavissat).

UKA 2019/156-ip siullermeerneqarneranut atatillugu allannguutikkut ataqqinninnermi tunniuttakkat tunniuttalernissaanut periarfissaalernersoq pillugu apeqqutigineqarpoq. Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliami suliarineqarneranut atatillugu siunnersuutip aappassaaneernejarnissaanut atatillugu isumaliutissiisummut ataatsimiititaliaq ima oqaaseqaateqarpoq:

”Ataatsimiititaliap isumaliutissiisummini Naalakkersuisunut nalileqquaa tunniussa q taamaattoq Nunatta Karsiata ukiuni arlalinni pisussaaffissaa qanoq inatsisitigut tunngavissamik piunasaqarfiussanersoq. Ataatsimiititaliap tamanna nangillugu oqaatigivaa tapiissutinut taamaattunut Nunatta Karsianik ukiuni arlalinni pisussaaffiliisussanut ersarissumik tunngavissaqalernissaa qulakkeertariaqartoq. Taamaaliortariaqarporlu ukiuni arlalinnut atugassanik aningaasanik taamaattunik tunniussa qartarnermut piunasaqaatissat tunngavissallu pillugit malittarisassanik aalajangersaasoqarnissaa periarfissinniarlugu - soorlu nalunaarutitigut.”

Naalakkersuisut siunnersuutip aappassaaneernejarnieranut akissummini ima nassuiaateqarput:

”Naalakkersuisut aamma nalilersugassaraat tapiissuteqartoqarsinnaaneranut tunngavissamik ersarissumik pilersitsisoqartariaqarnerasoq, ukiumut aningaasanut inatsimmi aningaasaliissutit saniatigut atuuttussamik, tassalu matumani ukiuni arlalinni aalajangersagaanngitsuni.

Tassungalu atatillugu oqaatigineqassaaq, siunnersuummut matumani pineqartumut atatillugu tunngavissamik taamaattumik atuisoqalernissaa periarfissaanngitsutut nalilerneqarmat. Taamaattumik taamatut inatsisissamik suliaqarneq inatsisissatut siunnersuummik suliaqarnermut nalinginnaasumik periuserineqartoq atorlugu ineriartortariaqarpoq,

soorlu peqataasut attuumassutillit isumasiorlugit, tusarniaatitsinerit ingerlallugit Inatsisartunullu saqqummiussilluni. Taamaammatt Naalakkersuisut eqqumiitsuliornermik ingerlatallit suleqatigiiffii peqatigalugit inuuneq naallugu pisartagassanik kissaateqarneq aamma taamatut kissaateqarnerup piviusungortissinnaanissaanut periarfissat pillugit kissaateqarneq pillugu oqallittoqarnissaanik pilersaaruteqarput. Tassungalu atatillugu piumasaqaatit qanoq ittut taamatut tunniussisoqarnissaani aalajangiisuussanersut, tunineqartartut amerlassusissaat, tunniunneqartut annertussusissaat, pisariaqassappat isertitanut naleqqussaasoqarnissaa aamma eqqumiitsulioriaatsinut ataasiakkaanut qanoq agguaasoqartarnissaa erseqqissumik paasiniartariaqassapput, matumanilu aamma eqqumiitsuliortut toqussartik tikillugu taamatut tunineqartartut aapparisaannut qimagaasunut aningaasanik kingusinnerusukkut tunniussisoqartassanersoq paasiniaaffigalugu. Tamatuma saniatigut qulakkeertariaqarpoq taamatut tunniussisarnermut aningaasat pisariaqartinneqartut piginissaat, tassami uani malugisariaqarpoq tamanna aallaaviatigut killiliussat iluanni aningaasalersortariaqassammatt, tamatumalu kingunerissallugu eqqumiitsulianik suliaqarnermut, sulinissamut legatinik allanillu agguaanissamut aningaasat ikinnerusut atortariaqalernissaat. Aamma eqqumiitsuliornermik ingerlatallit pillugit inatsisip kisimiitillugu iluarsiiffiginissaa tulluartsuussanersoq, imaluunniit tamanna pillugu nalunaarutiliorluni malittarisassanik erseqqinnerusunik aalajangersaasoqassanersoq isummerfigineqartussaassaaq, ataatsimiititaliap ilanngullugu periarfissatut tikkuussinerattuut.”

Ataqqinnermi tunniussisarsinnaanermut periarfissaq pillugu Inatsisartuni ilaasortamit § 37 naapertorlugi apeqqutit marluk (nr. 1 aamma nr. 125) Naalakkersuisut 2020-mi akissuteqarfigaat. Apeqqutini taakkunani marlunni ataqqinninnermi tunniussisarnermut kiisalu inuuneq naallugu ataqqinnilluni tunniussisarnermut sinaakkusiussat suut atuutissanersut, matumanilu inuuneq naallugu atuutissanersut imaluunniit ukiuni tallimani quliniluunniit atuutissanersut pillugit Naalakkersuisut nassuiaaqullugit qinnuigineqarput. Apeqqutinut taakkununga marlunnut Naalakkersuisut akissutigaaq ataqqinninnermi tunniussisarneq atuutilissappat eqqumiitsuliorneq pillugu inatsimmik allannguisoqartariaqassasoq, kiisalu taamatut inatsisiliornissamut politikikkut suliniutigineqalerpat ataqqinninnermi tunniussisarnerit pillugit sinaakkutissat sukumiinerusut, matumanilu tunniussisarnerit sivissusutaat, pillugit eqqumiitsuliornermik suliallit oqaloqatigalugit pissasut.

Aammattaaq eqqumiitsuliortunik nersornaasiinnermi tapiissuteqarsinnaanermik atuutilersitsinissamik inatsisitigut tunngavissaqalernissaa Naalakkersuisut kissatiginartissimavaat.

1.2 Inatsimmik piareersaanermi pingaarnerit

Naalakkersuisut EPI-mi siulersuisut nersornaasiinnermi tapiissuteqarsinnaanermik ataqqinninnermilu tunniuttakkanik malittarisassiornissaq pillugu oqaloqatigaat. EPI-p nersornaasiinnermi tapiissuteqarsinnaanermik ataqqinninnermilu tunniuttakkanut inatsisitigut tunngavissiisoqassasoq kissaatigalugu oqaatigaa periaaserlu isumaqatigalugu, sinaakkusiussallu pingaarnerit eqqumiitsuliorneq pillugu inatsimmi aalajangersarneqassasut kiisalu sinaakkusiussat taakku nalunaarusiakkut sukumiinerusumik malittarisassiunneqassasut.

EPI-mit kissaatigineqarpoq eqqumiitsuliortut eqqumiitsuliornermik inuussutissarsiateqarnermikkut angusaqarluarsimasut ataqqinninnermi tunniuttagaqarnikkut eqqumiitsuliortut ataqqiniartarnissaat. Aalajangiisuusimangilarli tunniuttakkat inuunerup sinneranut atuutinneqarnissaat. EPI tassunga atatillugu aamma siunnersuuteqarpoq ataqqinninnermi tunniuttakkat pillugit aalajangiisartussanut tunngasunik inissiisoqarnissaanut, assersuutigalugu EPI-mit inassuteqaateqareernikkut imaluunniit EPI-p Eqqumiitsuliornermullu Aningaasaateqarfimmit suleqatigiinnikkut.

EPI-mit oqaatigineqarpoq imminnut pingaartuusoq ataqqinninnermi tunniuttakkat aningaasalersornerat maanna eqqumiitsuliornermut aningaasaateqarfimmit Kontomit pingarnermit 40.95.01-imit tiguneqannginnissaat, Eqqumiitsuliornermut Aningaasaateqarfimmit ilaatigut sulinissamut aningaasaliissutinut il.il. tunniunneqartartunit. Tassa EPI-mit taamaallaat kissaatigineqarpoq ataqqinninnermi tunniuttakkat taamaallaat tunniunneqartassasut tassunga tunngasunik Aningaasanut Inatsimmit immikkut aningaasalerneqarpata, maanna Konto pingarnermit 40.95.01-imit ilaatigut eqqumiitsuliornermut suliniutinut sulinissamullu aningaasaliissutinut atugassanik illikartitat pilliutiginagit.

Kulturikkut nersornaasiinnermi aamma Kajumissaasiinnermi sinaakkutigineqartunik nutarteriniarluni isumaliuteqarnermi nersornaasiinnermi tunisummik tapisiaqartitsisinnaanerup inatsisitigut tunngavissaqalernissaa pilersimavoq. EPI-mik ataatsimeeqateqarnermi isumaliutit pilersinneqarsimapput. Maannakkut ukiut tamaasa juunip 21-ani aaqqissuisoqartarpoq, tassanilu kulturikkut nersonaat ilaatigullu kajumissaat inunnet kulturikkut malunnaatilinnut agguanneqartarluni. Aaqqissuisarnermik naliliinnermi isumaliutigineqarsimavoq taamatut aaqqissuussineq atorneqarsinnaasoq eqqumiitsuliornerup aamma kulturip inuiaqatigiinni nersorniarneqarneranut taamaalillunilu inuiaqatigiinnut tamanut TV-kut aallakaatitsinikkut tamanna anngunneqarsinnaasoq.

1.3. Siunnersuutip imarisai ataatsimut isigalugit.

Ataqqinninnermi tunniuttakkanik Naalakkersuisut nersornaasiisinnaanerannut inatsisitigut tunngavissat siunnersuummi ilaapput. Ataqqinninnermi tunniutanik nersornaasiinnermi sinaakkutissat siunnersuutip imarai, tassanilu killilerneqarluni kikkunnut ataqqinninnermi tunniuttakkat tapiissutigineqarsinnaanersut, tunniussinnermi tunngavilersuutissat tapisiaqartinneqartussat amerlassusissaat aamma tapisiaqartitsinerup sivissusissaa. Nangillugu ataqqinninnermi tunniuttakkanik tapisianik aaqqiissuteqartarnissamut aalajangiinnermi aamma eqqumiitsulioriaatsit taaneqartut akornanni agguaneq pillugu tunngavissiusanik pilersitsissallutik Naalakkersuisut pisussaaffeqartut siunnersuummi aamma ilanngunneqarsimapput.

Ataqqinninnermi tunniuttakkat qanoq annertussuseqassasut Inatsisartut inatsisaanni ukiumut tunngavittut aallaavigineqartussatut aalajangersorneqarsimasoq tunniunneqartassasoq siunnersuummi aalajangersarneqarpoq, taannalu aningaasanut inatsisini tamani aaqqinneqartassaaq procenti aaqqiissutissaq procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni aalajangersakkat naapertorlugit. Aammattaaq ataqqinninnermi tunniuttakkat

isertitat naapertorlugit angissusilerneqartassasut Naalakkersuisullu tamanna pillugu malittarisassanik aalajangersaasassasut aalajangersarneqarpoq.

Siunnersuummi inatsisitigut tunngavissinneqarportaaq Naalakkersuisut aningaasanut inatsimmiittut sinaakkutissat iluanni eqqumiitsuliortunik nersornaasiillutik tapiissuteqarsinnaasut. Tassani siunertaavoq Naalakkersuisut tamanna tunngavigalugu ukiut tamaasa eqqumiitsusiortumik ataatsimik arlalinnilluunniit eqqumiitsuliornikkut nersornaasiisinaanissaat.

Aammalu siunnersuummi inatsisitigut tunngavissinneqarpoq Naalakkersuisut nersornaasiunneqartup aaqqiissuteqarfiginissaanut, aalajangiinermi tunngavissanik, amerlassusissanik aamma eqqumiitsuliornermut inatsimmi eqqumiitsulioriaatsit taaneqartut akornanni agguaneq pillugu aalajangersaanikkut.

2. Siunnersuummi immikkoortut pingaarnerit

2.1 Inatsisit atuuttut

Inatsisit atuuttut tassaapput Eqqumiitsuliornermik ingerlatsineq pillugu Inatsisartut inatsisaat nr. 11, 6. juni 2016-imeersoq, Inatsisartut inatsisaatigut nr. 25, 28. november 2019-imeersutigut allanggortinneqartoq (eqqumiitsuliornermut inatsit).

Naalakkersuisut eqqumiitsuliornermut inatsimmi § 3, imm. 1 naapertorlugu eqqumiitsuliornermik ingerlatsineq tamatuminngalu ingerlatsinermut suliaqartunut aningaasanik tapiisussaapput.

§ 8-mi aalajangersagaqarpoq Naalakkersuisut kommunalbestyrelsillu sunut aningaasatigut tapiisinaanerannut tunngasumik. Tassani makku aalajangersarneqarput:

”§ 8. Naalakkersuisut aamma kommunalbestyrelsi makkununga tapiisinnaapput:

1) eqqumiitsuliornermik ingerlatsinerup ingerlanneranut, tamatumunnga ilanngullugit angalanernut aningaasartuutit matussusernissaannut aamma ineqarnermut aningaasartuutitut,

2) eqqumiitsuliornermi suliat inerisarnernut suliarinerinullu, tamatumunnga ilanngullugit eqqumiitsuliornermik ingerlatsinermut atortussat aamma

3) eqqumiitsuliornermik ingerlatat saqqummersinnissaannut siammaannissaannullu.

Imm. 2. Imm. 1 naapertorlugu tapiissutit, tapiissutit tiginissaannut piumasaqaatit piviusunngortinneqarpata tapiissutitut aningaasaliissutinik qularnaveeqqusiinertut tunniunneqarsinnaapput.

Imm. 3. Naalakkersuisut eqqumiitsuliornermik ingerlatsinermut saqqummiinermullu tapiinissamut malittarisassanik aalajangersaassapput, tamatumunnga ilanngullugit tapiiffiqarsinnaasut killilersornerat, tulleriarinissamut piumasaqaatit, tapiissutit suussusii annertussusiilu, tapiinissamut piumasaqaatit, tapiinermi atugassarititat, qinnuteqaatinut piumasaqaatit, periusissat, allaffissornikkut aqutsineq aamma naammagittaalliorneq.”

Naalakkersuisut § 8, imm. 3 tunngavigalugu eqqumiitsuliornermik ingerlatsineq tamatuminngalu ingerlatsinermut tunngasunik sukumiisumik malittarisassiorsimapput. Tamanna pivog Eqqumiitsuliornermik ingerlatsineq tamatuminngalu ingerlatitseqqittarneq pillugit

Namminersorlutik Oqartussat nalunaarutaat nr. 75, 21. december 2021-meersoq aqquutigalugu. Tassani allaqqavoq tapiissutit tunniunneqarsinnaasut suliniutinut tapiissutit, sulinissamut tapiinertut, tapiissuteqarnissamut qularnaveeqqusiinertut, utertitsinertut kiisalu ingerlatsinermut tapiinertut.

Aamma §§-ini 9-11-mi kalaallit eqqumiitsuliaannik, inniminniikkut sulianut takutitsinermullu aningaasarsianut tunngasunik malittarisassanik aalajangersaasoqarpoq.

Eqqumiitsuliornermut inatsimmi aamma nalunaarummi taaneqartumi ataqqinninnermi tunniuttakkanut tunngasunik malittarisassanik aalajangersaasoqarsimannigilaq. Aningaasat inatsisaanni ataqqinninnermi tunniuttakkanut aamma aningaasaliisoqarsimannigilaq.

Aammattaaq malittarisassani atuuttumi eqqumiitsuliortunut nersornaasiinnermi tunissummik tapisiaqartitsinnaaneq pillugu aalajangersaasoqarsimannigilaq. Maannakkut Kulturikkut nersornaat aamma kajumissaat tunniunneqartarpoq. Aningaasat tunniunneqartartut inatsisit malillugit aaqqiiffigineqarneq ajorput, ileqqoreqqusalli Naalakkersuisut aalajangersarsimasaat Naalakkersuisut.gl-imilu tamanut saqqummiunneqarsimasut naapertorlugit pisarluni, Aningaasat inatsisaannilu nersornaasiinnermut aningaasaliisoqartarlunittaaq. Nersornaasiinerit kulturimik sammisaqartunut inummut ataatsimut arlalinnulluunniit ukiut tamaasa agguanneqartarput.

2.2 Siunnersuummik suliaqarnermut atatillugu isumaliutigineqartut

Siunnersuummik suliaqarnerminnut atatillugu Naalakkersuisut isumaliutigisimavaat eqqumiitsuliorneq pillugu inatsimmi allaffissornermilu malittarisassat naapertorlugit inatsimmi tunngavissuusunit ataqqinninnermi tunniuttakkat aamma nersornaasiinnermi tapiissuteqarsinnaaneq qanoq annertutigisumik malittarisassiortoqassanersoq.

Lov nr. 458 af 8. Maj 2013 om Statens Kunstfonds virksomhed-imi Danmarkimi ataqqinninnermi tunnittakkanut maleruagassiaqarpoq. Danmarkimi maleruagassiani sinaakkusiussat pingaernerinnaat inatsisitigut aalajangersarneqarsimapput, aaqqiussitissallu nalunaarutit malillugit pisarlutik. Bekendtgørelse nr. 469 af 26. April 2019 om Statens Kunstfond malillugu aaqqiissuteqartoqartarpoq.

Ataqqinninnermi tapisiaqartitsinnaanerit siunnersuut naapertorlugu inatsisitigut pisassaaq. Tamanna iluarnerusutut tunngavissat arlaqartut tunngavigalugit nalilerneqarpoq. Ataqqinninnermi tapisiaqartitsineq inatsisitigut pisussaaffittut aningaasaliinerussammat, inatsisitigut sinaakkusiisoqarnissaa kingunerissavaa tapisiaqartitsinissamut naammattunik tunngavissaqarnissaq. Kiisalu tapisiaqartitseriaaseq nutaaq siunnersuutigineqarmat, taamaattumik inatsisiliortut pingaarutillit isummerfigisavaat, soorlu tapisiaqartitassat amerlassusaat, tapisiaqartitsinerit sivilissusaat annertussusaallu.

Akerlianili nersornaasiilluni tapiissuteqarnermi Naalakkersuisut siunertamut naapertuussoraat siunnersuummi ataqqinninnermi tunniunneqartartunik pingaarnertut sinaakkutinik

aalajangersaasoqarpat taamaaliornikkut tunniussisarnermut tunngasunik sukumiinerusunik nalunaarutikkut aalajangersaasoqaruni. Taamatut aqqissuussineq aamma Naalakkersuisut eqqumiitsuliornermik ingerlatsineq tamatuminnгалu ingerlatitseqqittarnermi tapiissuteqartarnermut atortareerpaat. Tamanna siunertamut tulluurtutut isumaqarfigineqarpoq, tassa inuiaqatigiit uninngaannartuunnginnamik eqqumiitsuliorneq eqqumiitsuliornerullu silarsuaa sukkasuumik ineriartortuulluni. Taamaammat nersornaasiilluni eqqumiitsuliornermik tapersersueriaaseq ineriartorneq malillugu nalunaarusiornikkut eqaallisarlugu allanngortinneqarsinnaavoq.

2.3 Siunnersuutip immikkoortui pingaarnert

Siunnersuummi siunertarineqarpoq eqqumiitsuliornermik ineriartortinnissaannut siuarsaanissaq eqqumiitsuliornermik aamma eqqumiitsuliornermik suliaqarnerannik ataqqinninniarnissamut inatsisitigut tunngavissiinikkut. Tamanna Naalakkersuisut aningaasatigut eqqumiitsuliornermik ataqqinninnermi tunniuttakkanik aamma eqqumiitsuliornermik nersorinnilluni tunissummik tapisiaqartitsisinnaanerup inatsisitigut tunngavissaqalersinneratigut pisassaaq.

Siunnersuummi ataqqinninnermi tunniuttakkanik aamma nersornaasiilluni tapisiaqartitsinissamut Naalakkersuisut pisinnaatinneqarput. Kultureqarnermut Naalakkersuisup Namminersorlutik Oqartussat Kulturikkut nersornaataannik agguaaassisarnerata ingerlaannarnissaanik tamanna kinguneqassaaq. Aamma ataqqinninnermi tunniuttakkanik ingerlatsinermik isumaginnittuunerup, ungasinngitsukkut pilersinneqartumut Eqqumiitsuliornermut Aningaasaateqarfimmut, Naalakkersuisut tunniussisinnaanerup periarfissaavoq, tak. eqqumiitsuliornermik ingerlatsineq pillugu Inatsisartut inatsisaata allanngortinneqarnera pillugu Inatsisartut inatsisaat nr. 25, 28. november 2019-imeersumi § 16 a. Eqqumiitsuliornermut Aningaasaateqarfiup Kultureqarnermut Naalakkersuisumut innersuussineratigut ataqqinninnermi tunniuttakkanik tapisiaqartitsinissap isumagineqartarnissaa periarfissat pingajorisinnaavaat. Pingaarnervorli tapisiaqartitsinerit qinnuteqaqqaarnikkut agguaanneqartannginnissaat, eqqumiitsuliornermummi inatsimmi § 8 naapertorlugu qinnuteqaqqaarluni agguaaasisoqartaraluarat.

Ataqqinninnermi tunniuttakkanik nersornaasiinermilu tapisiaqartitsinerit § 8 malillugu tapiissutinik allaassuteqarput, tapiissutinnummi aningaasaliisoqartarmat aalajangersimasunut aningaasartuutitut, suliniutinut imaluunniit suliaqarnermut. Naatsorsuusiornissaq pillugu taamaattumik malittarisassaqarpoq, taamaalilluni eqqumiitsuliornermik uppersartarlugu tapiissut qinnutigineqartumut atorneqarsimasoq. Siunnersuummi naatsorsuusiornissamik piumasaaqateqanngilaq, aningaasatigut tapiissut suliasamat imaluunniit suliniummumut aalajangersimasumut tunniuneqarsimanngimmat. Ataqqinninnermi tunniuttakkamik nersornaasiinermilu tunissummik tapisiaqartitsinerimik eqqumiitsuliornermik suliareriigaanik taakkulu innuttaasunut inuiaqatigiinnullu tamanut pitsaasumik sunniuteqarnerannik nersorinnittoqartarpoq.

Maannakkut nersornaasiisarnerup siunnersuummilu annertunerusunik nersornaasiisarnissap ataqqinninnermilu tunniuttakkanik tapisiaqartitsisarnissap allaassutigaat inuit tapisiaqassallutik piginnaatitaasut aamma aningaasatigut tapisiaqartitsinissami sinaakkutigineqartussat.

Naalackersuisut Kulturikkut Nersornaataannik inuit nersorniarneqarsinnaasut Naalackersuisut nersornaasiineq pillugu ileqqoreqqusaanni imaappoq: ” *inummut ataatsimut arlalinnuunniit, peqatigiiffinnut kattuffinnuunniit eqqumiitsuliornikkut kulturilerinikkulluunniit immikkut suliniuteqarsimasunut tunniunneqartarpoq*”. Kajumissaatitut nersornaammut tunngasumi ima allaqqavoq: ” *inuusuttumut piginnaasalimmut, oqallitsitsinikkut nutaaliornikkulluunniit, imaluunniit allatigut eqqumiitsuliornikkut kulturilerinikkulluunniit malunnaateqalersimasumut tunniunneqartassaaq. Nersorniarneqartoq piginnaasaminik nangitsinissamut ineriartortitsinissamullu tunniussinikkut kajumissaaserneqartassaaq.*” Nersornaasiinerit eqqumiitsuliornermut aamma kulturimut taamaalillutik nalinginnaasumik tunngatinneqarsinnaapput. Nersornaasiinerimi aamma ataqqinninnermi tunniuttakkanik tapisiaqartitsinerimi eqqumiitsuliortut kisimik tunineqarsinnaapput. Aamma eqqumiitsuliortup suliaaaniq naliliineq tunngavigalugu taamaallaat ataqqinaammik tapisiaqartitsisoqarsinnaavoq.

Ataqqinninnermi tunniuttakkat

Ataqqinninnermi tunniuttakkat eqqumiitsuliortoq nersornaasertarpaat aamma aningaasaqarnikkut ikorfartortarlugu piffissaq sivisunerusoq atorlugu taamaalilluni eqqumiitsuliortutut piginnaasaminik ineriartortitsinnaangorlugu. Aamma ataqqinninnermi tunniuttagaqarnikkut eqqumiitsuliornikkut maligassiuissusaqarnissaq siunertarineqarpoq taamaalilluni eqqumiitsuliornerup inuiaqatigiinnut naleqassusaa alaatsinaanneqaqqullugu. Ataqqinninnermi tunniuttakkat tapisiat eqqumiitsuliortunut eqqumiitsulianik ima suliaqartigisunut eqqumiitsuliortut akornanni aalajangiisuusutut inissisimasunut tunniuttarnissaat siunnersuummi aalajangersarneqarpoq. Imatut paasineqassaaq ataqqinninnermi tunniuttakkat piginnaasalinnut nutaanut tunniunneqartarnissaat eqqarsaataangitsoq, eqqumiitsuliortunullu ukiuni amerlasuuni eqqumiitsuliortuunerminni malunnaateqarsimasunut naatsorsuussaasut.

§ 1, imm. 1-imi siunnersuutigineqarpoq, eqqumiitsuliorneq pillugu inatsimmi ataqqinninnermi tunniuttakkanut tunngasumi § 8a-mik nutaamik aalajangersakkamik ikkussisoqarnissaa. § 8-imi tapiissutit sammineqarput, taamaammat siunertamut naapertuutereerpoq aalajangersagaq nutaaq tassannga uiggiunneqarpat.

§ 8a 4-nik immikkoortoqarpoq. Imm. 1-3-mi ataqqinninnermi tunniunneqartartut pillugit inatsisitigut pingaarnernik malittarisassiuunneqarput. Imm. 4-mi Naalackersuisut peqquneqarput ataqqinninnermi tunniuttakkanut tunngasunik sukumiinerusumik aalajangersaassasut.

Imm. 1-imi Naalackersuisut Aningaasanut inatsimmi aningaasanik aalajangikkanit eqqumiitsuliortunut pinngorartitsisunut ataqqinninnermi tunniuttagaqarsinnaapput eqqumiitsuliornermik suliaqartunut eqqumiitsuliornermik suliaqartuni pingaaruteqartutut inissisimasunut.

Taaguummi "ataqqinninnermi tunniuttakkami" ersersinneqarpoq tunniuttakkat ataqqinninniarluni tunniuttagaasut, taamaalillunilu ataqqinninnermik uppersaatitupajaaq ittuullutik. Tunniuttakkat qinnuteqarnikkut tunniunneqarneq ajorput. Ataqqinninnermi tunniuttakkat § 8 naapertorlugu tapiissutinit allaanerupput, tassa tapiissutit aningaasartuutitut, suliniutitut sulinermulluunniit

aalajangersimasunut tunniuttagaammata. Taamaamat naatsorsuutinik tunniussinissamut aamma malittarisassaqqarpoq, taamaaliornikkut eqqumiitsuliortup tapiissutit qinnutigineqartunut atorneqarsimanerat uppersarsinnaaniassammagu. Siunnersuut naatsorsuutinik tunniussinissamut tunngasunik malittarisassanik imaqqanngilaq, tassa aningaasatigut tapiissutigineqartut suleriaatsimut suliniummulluunniit aalajangersimasumut tunngatitaanngimmata. Tapiissutit ataqqinninnermi tunniunneqartut sulianut eqqumiitsuliortup suliareriigaanik innuttaasunullu aamma inuiaqatigiinnut eqqumiitsuliaasa nalinginnaasumik pitsaasumik sunniuteqartarnerinut ataqqinninnermi tunniunneqartarput.

Eqqumiitsuliortut sorliit ataqqinninnermi tunniuttakkanik pisinnaasutut nalilersorneqartussani anguniarneqarpoq tassaassasut eqqumiitsuliortut eqqumiitsulianik suliaqarnerminni annertuumik ataqqineqalersimasut.

Imm. 2-mi aalajangersarneqarpoq ataqqinninnermi tunniuttakkat taamaallaat tunniunneqarsinnaasut eqqumiitsuliornermi pilersitsiortukkat pitsaassusaata naliliiviginerisigut.

Eqqumiitsuliornermik inatsimmi § 13-imi eqqumiitsuliornermik suliaqarnermut tapiissuteqartarnek pillugu aalajangersagaqqarpoq. § 1-imi aalajangersagaqqarpoq Naalakkersuisut aamma kommunalbestyrelsi eqqumiitsuliornermik ingerlatsinermut tapiisassasut eqqumiitsuliornikkut pitsaassutsip piginnaaneqassutsillu nalilerneqarnerat tunngavigalugu. Siunertamut naapertuuttutut isigineqarpoq ataqqinninnermi tunniuttakkanut tunngatillugu ersarissarneqassasoq tunniuttakkat eqqumiitsulianik suliat pitsaassusaat pillugit nalilersuinikkut pisassappata. Taamaalilluni ataqqinnilluni tunniunneqartartussanik pissarsinissamut eqqumiitsuliortup piginnaasa kisimik naammanngillat. Tunniunneqartut eqqumiitsuliornermik suliaqarnermi tamarmi sumi pitsaassutsimut ataqqinninnermi tunniunneqartassapput.

Imm. 3-mi aalajangersarneqarpoq ataqqinnilluni tunniuttakkat 4-t tunniunneqartassasut ukiunut qulinut atuuttussatut, ataqqinnillunilu tunniuttagaq inuttaqarunnaarpat, nutaamik ukiunut qulinut atuuttumik tunniunneqassaaq.

Ataqqinninnermi tunniuttakkat ukiuni qulini aalajangersimasumi tunniunneqartarnerisa ilisarnaatigaat, taamaalilluni eqqumiitsuliortoq piffissami pineqartumi aningaasaqarnikkut qularnaveeqquserneqassalluni, taamaalilluni aningaasaqarnikkut iliuseqarsinnaanngussaaq eqqumiitsulianik suliaqarnissaminut. Taamaattumik tunniuttakkap allaassutigaa nersornaat ataasiaannarlugu tunniunneqartarmat.

Imm. 4-mi aalajangersarneqarpoq Naalakkersuisut ataqqinninnermi tunniuttakkat pillugit aalajangersagaliussasut, aalajangiinnermi tunngaviit aamma § 1, imm. 1-imi eqqumiitsulioriaatsit taaneqartut akornanni aguuaaneri. Aalajangersaanerit nalunaarutinngorlugit suliarineqassapput. Tamatumani eqqumiitsuliortut kattuffiisa suleqatigineqarnissaat naatsorsuutigineqarpoq.

§ 1, nr. 1-imi § 8 b-tut taaneqartumi aamma ataqqinninnermi tunniuttakkat angissusaannik aalajangersagaq nutaaq ilanngunneqarpoq. Imm. 1-imit allassimavoq ataqqinninnermi tunniuttakkat aallaavigissagaa ukiumut 250.000 kr. Imm. 2-mi aalajangersarneqarpoq tunngavittut aallaavigisaq aningaasanut inatsisini tamani aaqqinneqartassasoq procenti aaqqiissutissaq procenti aaqqiissutissaq aamma maannakkorpiaq aningaasarsiat pillugit Inatsisartut inatsisaani aalajangersakkat naapertorlugit. Imm. 3-mi aalajangersarneqarpoq ataqqinninnermi tunniuttakkat isertitat naapertorlugit angissusilerneqartassasut. Imm. 4-mi aalajangersarneqarpoq isertitat naapertorlugit angissusilerneqartarnissaat Naalakkersuisut malittarisassanik aalajangersaaffigissagaat.

Ukiumoortumik aaqqiissuteqartarnikkut qulakkeerneqassaaq tunngavittut aallaavigineqartup akit isertitallu ineriartorneqarnerannit mangiarneqannginnissaa. Isertitat naapertorlugit angissusiliinikkut tunngavittut aallaavigineqartup annikillisinneqarsinnaanissaa anguniarneqarpoq, tapisiaqartinneqartup isertitai imatut annertutigilerpata tunngavittut aallaavigineqartoq tamaat tapisiarissallugu naapertuukkunnaaraangat. Aaqqiinerit nalunaarutikkut aalajangersaaffigineqassapput.

Nersornaasiinnermi tunissuteqarnej

Eqqumiitsuliornermi ineriartorneq siuarsarniarlugu eqqumiitsuliortunik, eqqumiitsuliortut suliaannik eqqumiitsuliortullu piginnaasaannik nersornaasiinnermi tunissuteqarnerup inatsisitigut tunngavissinneqarnissaa siunnersuummi siunertarineqarpoq. Nersornaasiinnermi tunissuteqarnikkut eqqumiitsuliortoq ataqqiniarneqassaaq aamma aningaasaqarnikkut iliuuseqarsinnaangortinneqassalluni eqqumiitsuliortut piginnaasaminik ineriartortitsinissaminut. Kiisalu nersornaasiinnermi tunissuteqarnikkut siunertaavoq eqqumiitsuliormi malitassiuinissaq taamaasiornikkullu alaatsinaanneqassalluni eqqumiitsuliorneq aamma eqqumiitsuliornerup inuiaqatigiinni pingaaruteqarnera.

Taamaattumik § 8c-mi aningaasanut inatsimmi annertussusissaannut sinaakkutissatut aalajangersarneqarsimasut naapertorlugit Naalakkersuisut eqqumiitsuliortunik nersornaasiillutik tapiissuteqarsinnaasut siunnersuummi ilanngunneqarsimavoq. Nangillugu aalajangersarneqarpoq Naalakkersuisut eqqumiitsuliortunik nersornaasiillutik tapiissuteqarnermi malittarisassanik aalajangersaasinnaasut, aalajangiinnermi tunngaviit, amerlassusaat aamma § 1, imm. 1-imi eqqumiitsulioriaatsit taaneqartut akornanni agguaneq pillugu.

Atuutilernera

§ 2-mi aalajangersarneqarpoq Inatsisartut inatsisaat 1. januar 2023-mi atuutilissasoq. Piffissaq atuutilerfissaq siunnersuutigineqarpoq ataqqinninnermi tunniuttakkat siunnersuutip akuerineqarniarneranit piaartumik atuutilernissaa isiginiarlugu.

3. Pisortanut aningaasaqarnikkut allaffissornikkullu sunniutissat

Siunnersuut aningaasaqarnikkut sunniuteqassaaq, tassanimi siunertarineqarmat Naalakkersuisut eqqumiitsuliortunut aningaasanik tapisiaqartitsisarnissaata eqqunneqarnissaa maannakkut tapiissutit tunniunneqartartut saniatigut. Aningaasaqarnikkut sunniutissat tassaapput Nunatta Karsianut

anigaasartuuteqarnerulernissaq. Nersornaasiinermi tunissutinik ataqqinninnermilu tunniuttakkanik tapisiaqartitsinerup allaffissornikkut ingerlanneqarneranut atatillugu nalilerneqarpoq tamanna allaffissornikkut anigaasaqarnikkullu soqutaanngitsoq qaangernagu kinguneqarumaartoq.

Ataqqinninnermi tunniuttakkat

Siunnersuummi aalajangersarneqarpoq ataqqinnermi tunniuttakkap annertussusaata tunngavittut aallaavigissagaa ukiumut 250.000 kr., taannalu eqqumiitsuliortut sisamat immikkut tamarmik pisartagarissavaat. Aallaavittut Nunatta Karsianut 1 million kr.-nik ukiumut anigaasartuutaasassaaq. Ataqqinninnermi tunniuttakkat isertitat tunngavigalugit aaqqiissuteqarfigineqartarnissaat siunnersuummi aamma aalajangersarneqarmat isertitat naapertorlugit malittarisassiarineqartussat kiisalu eqqumiitsuliortup isertitai apeqqutaassapput. Naalackersuisut isertitanut tunngatillugu pisussaaffeqarput malittarisassiussallutik, isertitat qanoq aaqqiissuteqarfigineqartassanersut nalunaarutitigut aalajangersaaffigineqassaaq. Taamaattumik ukiumut anigaasartuutissat ukiumit ukiumut allanngorartassapput apeqqutaatillugu tapisiaqartinneqartut isertitaat. Isertitat tunngavigalugit aaqqiisernerup kingunerisaanik ukiumut eqqortumik anigaasartuutissat 1. mio. kr.-t ataattassagaat ilimagineqarpoq, ilimagineqarmammi ataqqinninnermi tunniuttakkanik tapisiaqartinneqartut ilaat isertitaqassasut tunngavittut aallaavigineqartup annikillisinneqarnissaanik nassataqartussanik.

Nersornaasiinermi tunissuteqarneq

Siunnersuut malillugu Naalackersuisut eqqumiitsuliortunut nersornaasiinermi tunissuteqartassapput, tamanna isumaqarpoq eqqumiitsuliortunut nersornaativinnik tunissuteqartoqarsinnaanngussasoq maannakkut atuuttup Kulturikkut Nersornaatip aamma Kajumissaatitut Nersornaatip avataatigut. Tamanna pisarpoq Anigaasanut Inatsimmi anigaasaliissutit iluanni. Nersornaatit sisamat pilersinneqarnissaat naatsorsuutigineqarpoq, nersornaammullu immikkut ataatsimut 20.000 kr.-nik anigaasartuuteqarnissaq naatsorsuutigineqarpoq. Nersornaasiinermi tunissuteqarnernut ukiumut 80.000 kr.-t anigaasartuutigineqarnissaat ilimagineqarpoq.

4. Inuussutissarsiutinik ingerlataqartunut anigaasatigut allaffissornikkullu sunniutissat
Inuussutissarsiutinik ingerlatalinnut sunniuteqartoqarnaviannngitsoq nalilerneqarpoq.

5. Avatangiisinut, pinngortitamut inuillu peqqissuunissaannut sunniutissat
Siunnersuut avatangiisinut pinngortitamullu sunniuteqartussaannngitsut nalilerneqarpoq.

6. Innuttaasunut kingunerisassat

Innuttaasunut toqqaannartumik tamanna tunngaviusumik kinguneqassanngilaq, siunnersuutilli siunertaraa inuiaqatigiinni eqqumiitsuliortut eqqumiitsuliallu ineriartortinneqarnissaannut tapersorsornissaat. Nunatsinni eqqumiitsuliornerup patajaallisarneqarnerata siammarterneqarneratalu innuttaasunut Nunattalu kulturianut iluaqutaassaaq.

7. Sunniutissat allat pingaarutillit

Siunnersuut allanik malunnaatilinnik sunniuteqarnaviangitsoq nalilerneqarpoq.

8. Oqartussaasut suleqatigiiffiillu il.il. tusarniaavigineqarnerat

Siunnersuut piffissami x. xx-imiit x. xx 2022 tungaanut Naalackersuisut tusarniaanermut isaaffiatigut pissarsiarineqarsinnaasimavoq, tusarniaanermullu peqataasunut nassiunneqarsimalluni, takuuk ilangussaq 2.

Siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

§ 8a-mut

Imm. 1-imut

Ataqqinninnermi tunniuttakkat eqqumiitsuliortunut pinngorartitsisunut tunniunneqartassapput taakku eqqumiitsuliortut aalajangiisuusumik inissisimappata.

Eqqumiitsuliortut pinngorartitsisut ima paasineqassapput eqqumiitsuliortut asseqanngitsunik suliallit. Oqaaseq "suliaq" qangatut paasinnittaatsimik silinnerusumik paasineqassaaq soorlu qalipagaq, filmi, nuutit il.il.. Eqqumiitsuliortut pinngorartitsisut § 1, imm. 1-imi taaneqartuni tamani eqqumiitsulioriaatsiniipput.

Eqqumiitsulianik suliaqarneq eqqumiitsuliortunik ingerlatitseqqiisut ilaatinneqanngillat.

Eqqumiitsuliortoq ima suliaqartoq, aamma pineqartoq eqqumiitsuliortut aalajangiisuusut inissisimasooq nalilersorneqassaaq nalunaarusiornikkut sukumiinerusumik aalajangersakkanik piunasaqaatinik nalilersuinikkut pissalluni. Piunasaqaatit taakku eqqumiitsulianik suliaqarfiit ataasiakkaat naapertorlugit assigiinngissinnaapput.

Imm. 2-mut

Aalajangersakkami aalajangerneqarpoq ataqqinninnermi tunniuttakkat taamaallaat tunniunneqarsinnaasut eqqumiitsuliornermi pilersitsiortukkat pitsaassusaata naliliviiginerisigut. Pitsaassutsimik naliliineq tassaavoq eqqumiitsuliornermik ilisimasaqartup naliliinera.

Imm. 3-mut

Aalajangersakkami aalajangersarneqarpoq ataqqinninnermi tunniuttakkat sisamat tunniunneqartassasut ukiunik qulinik sivisussuseqartunik, aamma ataqqinninnermi tunniuttagaq inussaaruppat nutaamik ukiunik qulinik sivisussuseqartumik toqqaasoqaaqqissaaq.

Imaappoq ataqqinninnermi tunniuttakkat aatsaat inussaaruppata allanut tunniunneqarsinnaapput. Ataqqinninnermi tunniuttakkanik pisartagaqartoq pisartagaqarunnaarniarluni aalajangerpat, pisartagaqartoq toqukkut qimagussimappat imaluunniit ukiuni qulini pisartaqarneq qaangiuppat aatsaat tamanna pisinnaavoq. Ataqqinninnermi tunniuttakkat inussaqarunnaarsimappata eqqumiitsuliortumut allanut ukiunik qulinik sivisussuseqartumik pisartagaqartitsisoqarnissaaq aalajangiiffigineqassaaq pisartagaqarnissamat piunasaqaatinik naammassinnissinnaasumut, tak. siunnersuummi § 8a, imm. 1-2 aamma imm. 4 tak.

Imm. 4. Naalackersuisut ataqqinninnermi tunniuttakkat pillugit aalajangersagaliussapput, aalajangiinnermi tunngaviit aamma § 1, imm. 1-imi eqqumiitsulioriaatsit taaneqartut akornanni agguaaneq pillugit.

Tamatuminnga itisilerutaasumik nalinginnaasumik nassuiaatit siunnersuummi allaaserineqartut innersuussutigineqarput.

Isertitat apeqqutaallutik tunniussisarnermut malittarisassat sukumiinerusut nalunaarusiornikkut malittarisassiorneqassapput.

Imm. 4-mut

Aalajangersakkami Naalackersuisut suliakkerneqarput ataqqinninnermi tunniuttakkanut sukumiinerusumik aalajangersaassasut tassani ilaatinneqassallutik taakku ilaatigut suut ilaatinneqassanersut pillugit.

Piomasaaqatit tassaatinneqarput pissutsit aalajangiisuusut eqqumiitsuliortup ataqqinninnermi tunniuttakkanik tunineqarnissaanut tulluartaunersoq pillugu.

Eqqumiitsuliornermik suliaasaqarfiit ataasiakkaanut agguaanerit ima paasineqassapput ataqqinninnermi tunniuttakkat eqqumiitsulianik suliaasaqarfinnut ataasiakkaanut qanoq agguaanneqassanersut.

§ 8b-mut

Imm. 1-imut

Aalajangersakkami aalajangerneqarpoq tapisiaqartitsinerup annertussusia, taannalu tunngavittut aallaaviusoq, aamma tassaasoq eqqumiitsuliortumut tunniunneqartartup qummut killinga annerpaaq.

Imm. 2-mut

Aalajangersakkap siunertaraa qulakkiissallugu ataqqinninnermi tunniuttagaq ukiumoortumik aaqqinneqartassasoq procenti aaqqiissutissaq isertitanut aalajangersimasunut Inatsisartut inatsisaanni aalajangersakkat naapertorlugit.

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni siunertaavoq tapiissutigineqartartunut nalinginnaasunut atuuffeqassalluni pisortanit isumagineqartartunit. Aaqqiissutip ingerlaavartumik akinut naleqqiullugu tapiissutini pisortanit isumagineqartartuni assigiimmik aaqqiissuteqartarnissaq qulakkiissavaa.

Ataqqinnermi tunniuttakkat nalingisa ukiut ingerlanerini inuiaqatigiinni nalinginnaasumik akit aamma isertitat qaffakkiartornerisigut mangiarneqannginnissaat aaqqiissutip pinaveersaartissavaa.

Imm. 3-mut

Ataqqinninnermi tunniuttakkat isertitat naapertorlugit angissusilerneqartarnissaat aalajangersakkami aalajangerneqarpoq. Isertitat naapertorlugit annertussusiliineq tassaavoq ataqqinninnermi tunniuttakkat aningaasartaata annertussusissaa eqqumiitsuliortup isertitaanut naapertuuttumik angissusilerneqartassasoq.

Imm. 4-mut

Isertitat naapertorlugit aaqqiissuteqartarnissaq imatut piviusunnngortinneqarsinnaavoq, nalunaarummi aalajangerneqartoq tunngavittut aallaavigisaq 250.000 kr.-iusoq tassaasoq qummut killigitinneqartoq, taannalu nalunaarummi aalajangersakkat naapertorlugit appartinneqarsinnaasoq ukiumi pineqartumi pisartagaqartup isertitai naapertorlugit. Nalunaarutikkut aamma aalajangerneqarsinnaapput ataqqinninnermi tunniuttakkanut ammut killigitinneqartussat. Ataqqinninnermi tunniuttakkat ammut killiliiffigineqannginnissaat aamma eqqarsaatigineqarsinnaavoq.

Taakku saniatigut aamma malittarisassiuunneqarsinnaavoq isertitat qanoq ittut ataqqinninnermi tunniuttakkat naatsorsorneqarnissaannut tunngavissanngortinneqassanersut.

§ 8c-mut

Imm. 1-imut

Aalajangersakkami aalajangersarneqarpoq aningaasat sinaakutissatut Aningaasanut inatsimmi aalajangersarneqartut iluanni Naalakkersuisut eqqumiitsuliortunut nersornaasiillutik tapiissuteqarsinnaasut. Nersornaasiineq eqqumiitsuliortunut nersorsaasiinertut piviusunnngortinneqarsinnaavoq.

Eqqumiitsuliortunut nersornaasiinerit ataqqinninnermi tunissutaassapput. Eqqumiitsuliortumut nersornaasiinerit tassaasinnaapput eqqumiitsuliortup pinngortitaanut saqqummersitaanulluunniit ataqqinninneq, eqqumiitsuliortup piginnaaneqarneranut ataqqinninneq, ataqqinaammik akissarsititsineq aamma imaluunniit eqqumiitsuliortup eqqumiitsuliortuunermini nutaaliortutut periaaseqarnera.

Imm. 2-mut

Aalajangersakkap Naalakkersuisut pisinnaatippai nersornaasiillutik tapiissuteqarnermi malittarisassanik aalajangersaanissaannut nalunaarlugu tamanna sumut killeqarnersoq.

Aalajangiinnermi tunngaviit tassaapput eqqumiitsuliortup nersornaammik tunineqarnissaasut suut eqqumiitsuliartumut piumasaqaataasassanersut.

Amerlassusaat tassaavoq nersornaatit qassit tunniunneqarsinnaanersut.

Eqqumiitsulioriaatsit akornanni agguaanermi pineqarpoq eqqumiitsuliornermut nersornaasiinerit eqqumiitsuliorneq pillugu inatsimmi eqqumiitsulioriaatsit 7-it akornanni agguanneqarnissaat, tak. eqqumiitsuliorneq pillugu inatsimmi § 1, imm. 1.

§ 2-mut

Aalajangersakkami takutinneqarpoq Inatsisartut inatsisaata siunnersuutigineqartutut piffissaq atuutilerfissaa 1. januar 2023. Tamatumani siunertaavoq allannguutissatut siunnersuutip akuersissutigineqarniarneranit piaartumik atuutlernissaa.

Siunnersuut inatsimmut atuuttumut sanilliullugu	
Oqaasertaliussat atuuttut	Siunnersuut
	<p>§ 1</p> <p>Eqqumiitsuliornermik ingerlatsineq pillugu Inatsisartut inatsisaat nr. 11, 6. juni 2016-imeersoq Inatsisartut inatsisaat nr. 25, 28. november 2019-ikkut allanngortinneqartup tullinnguuttunik makkuninnga allannguutitaqarpoq:</p>
	<p>§ 8-p kingornanut ikkunneqassaaq:</p> <p>”§ 8a. Naalakkersuisut eqqumiitsuliortunut pinngorartitsisunut ataqqinninnermi tunniuttagaqarsinnaapput eqqumiitsuliornermik suliaqartunut eqqumiitsuliornermik suliaqartuni pingaaruteqartutut inissisimasunut.</p> <p><i>Imm. 2.</i> Ataqqinninnermi tunniuttakkat taamaallaat tunniunneqarsinnaapput eqqumiitsuliornermi pilersitat pitsaassusaasa naliliiviginerisigut.</p> <p><i>Imm. 3.</i> Ataqqinninnermi tunniuttakkanik sisamanik ukiunik qulinik sivisussusilikkanik tunisisoqarsinnaavoq. Ataqqinninnermi tunniuttagaq atorneqarunnaaraangat ukiunik qulinik sivisussusilikkamik kingumut tunisisoqarsinnaangussaaq.</p> <p><i>Imm. 4.</i> Ataqqinninnermi tunniuttakkat pillugit Naalakkersuisut aalajangersaassapput ukunatigut, aalajangiinnermi tunngaviit pillugit aamma § 1, imm. 1-imi eqqumiitsulioriaatsit taaneqartut akornanni agguaneq pillugu.”</p> <p>§ 8b. Ataqqinninnermi tunniuttakkap annertussusaata tunngavittut aallaavigaa ukiumut 250.000 kr.</p> <p><i>Imm. 2.</i> Imm. 1-imi tunngavittut aallaavigisaaq aningaasanut inatsisini tamani aaqqinneqartassaaq procenti aaqqiissutissaq procenti aaqqiissutissaq aamma maannakkorpiaq</p>

	<p>aningsarsiat pillugit Inatsisartut inatsisaani aalajangersakkat naapertorlugit.</p> <p><i>Imm. 3.</i> Ataqqinninnermi tunniuttakkat isertitat naapertorlugit angissusilerneqartassapput.</p> <p><i>Imm. 4.</i> Ataqqinninnermi tunniuttakkat isertitat naapertorlugit angissusilerneqartarnissaat pillugit Naalackersuisut malittarisassanik aalajangersaassapput.</p> <p>§ 8c. Naalackersuisut aningaasanut inatsimmi aningaasat annertussusissaannut sinaakutissatut aalajangersarneqarsimasut naapertorlugit eqqumiitsuliortunik nersornaasiillutik tapiissuteqarsinnaapput.</p> <p><i>Imm. 2.</i> Eqqumiitsuliortunik nersornaasiilluni tapiissuteqarneq pillugu Naalackersuisut malittarisassanik aalajangersaasinnaapput ukunatigut, aalajangiinnermi tunngaviit pillugit, amerlassusaat pillugit aamma § 1, imm. 1-imi eqqumiitsulioriaatsit taaneqartut akornanni agguaaneq pillugu.</p>
	<p style="text-align: center;">§ 2</p> <p>Inatsisartut inatsisaat atortuulerpoq ulloq 1. januar 2023.</p>

Tusarniaanermut allakkiaq

Siunnersuut 2022-mit xx-mit xx-2022-mut Naalakkersuisut tusarniaanermut nittartagaatigut tamanut saqqummiunneqarsimavoq tusarniaaffigisassanullu ukununga tusarniaassutigalugu nassiunneqarsimalluni:

Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq, Kommune Kujalleq, Nunatta Isiginnaartitsisarfia, SILA, Kalaallit Atuakkiortut Peqatigiiffiat, Nipilersortartut Kattuffiat, KIMIK, Sulisitsisut, Nunatta Katersugaasivia Allagaateqarfialu, KANUNUPE, Ilisimatusarfik, Nunatta Atuagaateqarfia, NAPA, Katuaq, Taseralik, EPI, Kalaallit Nunaanni Eqqumiitsuliornermut Aningaasaateqarfik, Kalaallit Nunaata Radioa, NTK, NUSUKA Tusarniaanermi akissutit xx-it tiguneqarput, taakkunanga uku oqaaseqaateqarsimanatik:

Tusarniaaffigineqartut uku siunnersuummut oqaaseqaateqarput:

Tulliuttuni tusarniaanermi akissuteqaatit takkussuuttut suliarineqassapput tusarniaassutitut oqaaseqaateqarsimasunit. Tusarniaanermi akissutit oqaasertaat tamakkerlugit issuarneqarput kingornalu Naalakkersuisunit ukunanga akineqarlutik: